

## UNIONE COMUNES DE SU BIDDANOIA

Comune de  
RomanaComune de  
Biddanoa MonteleoneComune de  
MonteleoneComune de  
PàdriaComune de  
Mara

# AVISU VOUCHER STUDENTE

## ISCADÈNTZIA: 15 DE SANTANDRIA 2020

Si informat sa tzitadinàntzia chi cun Deliberatzione de Giunta de s'Unione est istadu istituidu su **VOUCHER STUDENTE**, cale misura de sustennu a su deretu a s'istùdiu e a sa formatzione a favore de sos istudiantes de s'Iscola Primària e de s'Iscola Segundària de Primu Gradù, annu iscolàsticu 2020/2021, residentes in unu de sos Comunes appartenentes a s'Unione Comunes de su Biddanoa.

Issu previdit unu contributu econòmicu pro un'importu màssimu paris a **€ 150,00** pro ogni istudiante chi dimustret de àere fatu in su **perìodu dae su 10 de CABUDANNI 2020 A SU 15 de SANTANDRIA 2020** un'ispeza pro s'achistu de *tablet*, *personal computer* (*desktop computer / notebook*), servìtziu de connetividade internet e atrezaduras isportivas (ebbia tuta e/o botas pro sa pràtica isportiva).

### ENTIDADE DE SU VOUCHER STUDENTE

Su balore de su VOUCHER STUDENTE cunsistit in su rimbursu totale o partziale pro s'achistu de *tablet*, *personal computer* (*desktop computer / notebook*), servìtziu de connetividade internet e atrezaduras isportivas (ebbia tuta e/o botas pro sa pràtica isportiva), finas a sa cuncurrèntzia màssima de **€ 150,00** pro ogni istudiante.

In casu de presèntzia de duos o prus istudiantes appartenentes a su matessi nùcleu familiare sos **VOUCHER STUDENTE** podent èssere postos umpare, ossiat podent èssere impreados pro s'achistu pro esempru de unu **personal computer** ebbia.

### TIPOLOGIAS DE ISPESAS AMMISSIBILES

Sas ispesas ammissibiles sunt sas sighentes:

- *tablet*;
- *personal computer* (*desktop computer / notebook*);
- servìtziu de connetividade internet;
- atrezaduras isportivas (ebbia tuta e/o botas pro sa pràtica isportiva).

Devent èssere cumproadas **a manera obligatòria** pro mèdiu de sa cunsigna de sas petzas giustificativas (faturas, iscontrinos fiscales, retzidas fiscales) cun data cumpresa dae su **10 de CABUDANNI 2020 A SU 15 DE SANTANDRIA 2020**

### RECHISIDOS DE PARTETZIPATZIONE

Podent rechèdere su **VOUCHER STUDENTE** su babbu o sa mama (tutore) de sos istudiantes in possessu de sos rechisidos sighentes:

- èssere residentes in unu de sos Comunes appartenentes a s'Unione Comunes de su Biddanoa a sa data de iscadèntzia de sa presentazione de sa dimanda o puru àere a su nessi o su babbu o sa mama residente in unu de sos Comunes de s'Unione;
- èssere iscritos in s'annu iscolàsticu 2020/2021 in una Iscola Primària o in una Iscola Segundària de Primu Gradù, siat istatale chi paritària;
- èssere in possessu de sas petzas giustificativas chi cumproant s'ispeza sustènnida (faturas, iscontrinos fiscales, retzidas fiscales) cun data cumpresa dae su **10 de CABUDANNI 2020 A SU 15 de SANTANDRIA 2020**;
- no àere retzidu àteros contributos Natzionales o Regionales pro su matessi achistu.

### TÈRMINES E MODALIDADES DE PRESENTATZIONE DE SA DIMANDA

Sas dimandas devent èssere presentadas a s'Ufitziu Protocolu de su Comune de residèntzia **INTRO DE SU 15 de SANTANDRIA 2020**.

A sa dimanda (**ALLEGADU B**) devet èssere allegada sa documentatzione sighente:

- petzas giustificativas chi cumproant s'ispeza sustènnida (iscontrinos, retzidas, faturas) chi devent àere una data cumpresa in su perìodu dae su 10 de Cabudanni 2020 a su 15 de SANTANDRIA 2020;
- fotocòpia de su documentu de riconnoschimentu de su richiedente (in cursu de balididade).

### INFORMATIVA PRIVACY

Si leet visione de s'informativa allegada a s'istàntzia (**ALLEGADU B**).

### MODULÌSTICA E INFORMATZIONES

Sa modulistica de impreare est a dispositzione in su situ internet de su Comune pròpiu de residèntzia e in sos ufizios cumpetentes de su Comune pròpiu de residèntzia.

Pro informatziones cuntatare sos ufizios cumpetentes de su Comune pròpiu de residèntzia.

Romana, 12/10/2020

Su Responsàbile de s'Àrea  
F.du Dot.ssa Antonella Contini

